



Broj: 01-254/k

Datum: 11-05-2016

Na osnovu člana 108. stav (2) u vezi sa članom 110. stav (1) tačka 5. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05“), člana 21. stav (3) tačka c) i stav (5) tačka f) u vezi sa članom 6. stav (2) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 14. stav (2), člana 18. stav (1) člana 26. i člana 38. Zakona o javnim nabavkama („Službeni glasnik Bosne i Hercegovine“, broj 39/14), i člana 7. stav (1) Pravilnika o postupku dodjele ugovora u području odbrane i sigurnosti („Službeni glasnik Bosne i Hercegovine“, broj 60/15) ministar unutrašnjih poslova Kantona Sarajevo, d o n o s i:

## **O D L U K U**

### **I**

Određuje se provođenje postupka dodjele ugovora za nabavku municije i hemijskih sredstava putem ograničenog-međunarodnog postupka javne nabavke, za potrebe Uprave policije Ministarstva unutrašnjih poslova Kantona Sarajevo, i to:

LOT 1 – municija za službeno naoružanje

LOT 2 – hemijska sredstva za suzbijanje nereda

Ograničeni postupak se sprovodi u II faze:

- faza predkvalifikacije

- II faza poziva za dostavljanje ponuda

Nakon I faze - predkvalifikacije i izvršene provjere kvalifikacija kandidata, obavijestice se kandidati koji nisu kvalifikovani i dostaviće se tenderska dokumentacija s pozivom za dostavljanje ponuda svim kvalifikovanim kandidatima istovremeno - II faza.

### **II**

Ukupna procijenjena vrijednost nabavke iznosi 3.950.000,00 KM bez PDV-a.

### **III**

Nakon provedenog postupka javne nabavke predviđa se zaključenje okvirnog sporazuma na period od tri godine, počevši od dana zaključenja okvirnog sporazuma a isporuka robe će se vršiti u skladu sa potrebama i raspoloživim odobrenim budžetskim sredstvima za ove namjene, tokom trajanja okvirnog sporazuma.

### **IV**

Za svaku isporuku zaključice se poseban ugovor o nabavci u skladu sa raspoloživim i odobrenim sredstvima iz plana nabavki.

V

Novčana sredstva za plaćanje nabavke osiguravaju se iz budžeta Kantona Sarajevo-ekonomski kod 613400 Materijal.

VI

Za provođenje postupka dodjele ugovora za nabavku roba iz člana I ove odluke zadužuje se Komisija za javne nabavke roba, vršenje usluga i ustupanje radova Ministarstva unutrašnjih poslova Kantona Sarajevo.

VII

Ova odluka stupa na snagu danom donošenja.

DOSTAVITI:

1. Sektor za podršku
2. Odjeljenje za odnose s javnošću, radi objave na web stranici ugovor. organa
3. a/a

